

ԳԵՂԱՄՍ

աշխարհ

Քաղաքական, հասարակական, մշակութային թերթ 27 մարտի 2026թ. թիվ 6 (634)

ՄԱՐՏՈՒՆԻ ՔԱՂԱՔՈՒՄ ԱՅՍ ՏԱՐԻ ԿՏՐՎԻ ՖՈՒՏԲՈՒԼԻ ԱԿԱԴԵՄԻԱՅԻ ԵՎ ՄԱՐԶԱԿԱՆ ՀԱՄԱԼԻՐԻ ԿԱՌՈՒՑՄԱՆ ՄԵԿԵԱՐԿԸ

2026 թվականին Գեղարքունիքի մարզի Մարտունի քաղաքում ԿԳՄՍ նախարարության և Հայաստանի ֆուտբոլի ֆեդերացիայի պատվիրատվությամբ կտրվի միջազգային չափորոշիչներին համապատասխան ֆուտբոլի ակադեմիայի և մարզական համալիրի կառուցման աշխատանքների մեկնարկը:

Մարտունի համայնքի ղեկավար Հովհաննես Հովսեփյանի տեղեկացմամբ՝ ՀՀ Կառավարության որոշմամբ Գեղարքունիքի մարզի Մարտունի քաղաքի Գետափնյա 2-րդ փողոց 17/1 հասցեում գտնվող բնակավայրերի նպատակային մշակութային, հասարակական կառուցապատման, գործառնական մշակութային 1.52 հեկտար մակերեսով հողամասը նախատեսվում է ամրացնել ԿԳՄՍ նախարարությանը՝ սպորտային համալիր կառուցելու նպատակով:

Ծրագիրն իրականացվում է պետություն-մասնավոր համագործակցությամբ:

Ծրագրի իրականացման առաջին փուլում նախատեսվում է ՀՀ պետական բյուջեով նախատեսված միջոցներով ԿԳՄՍ կողմից շինարարական աշխատանքների, տեխնիկական հսկողության և հեղինակային հսկողության գնումների իրականացում, ինչի արդյունքում կկառուցվի սպորտային համալիր:

Առաջին փուլը կիրականացվի 2026 - 2027 թվականներին: Համագործակցությունն իրականացվում է «Հիլլզ» բրենդի ներքո մասնագիտացված



ծառայություն իրականացնող ընկերության հետ: Ծրագրի իրականացման երկրորդ փուլում նախատեսվում է միջազգային չափանիշներին համապատասխան սպորտային և անհրաժեշտ այլ գույքի և սարքավորումների ձեռքբերում և կառուցված սպորտային համալիրի ամբողջովին կահավորում: Նշված շարժական գույքը ձեռք է բերելու ընկերությունը, որի փաստացի արժեքի 80 տոկոսը կփոխհատուցվի ՀՀ պետական բյուջեից: Ձեռք բերված գույքի 80 տոկոսը կհանդիսանա պետա-

կան սեփականություն, 20 տոկոսը՝ ընկերության սեփականություն:

Ծրագրի իրականացումը կնպաստի տարբեր մարզածեներով զբաղվողների թվի աճին և առողջ ապրելակերպի մշակույթի տարածմանը:

Մարտի 27-ին Մարտունի քաղաքի մարզադաշտի տարածք են այցելել ՀՀ Տարածքային կառավարման և ենթակառուցվածքների նախարար Դավիթ Խուրաթյանը, ՀՀ ֆուտբոլի ֆեդերացիայի նախագահ Արմեն Մելիքբեկյանը, ՀՀ Գեղարքունի մարզպետ Կարեն Սարգսյանը, Մարտունի համայնքի ղեկավար Հովհաննես Հովսեփյանը՝ քննարկելու ֆուտբոլի ակադեմիայի կառուցման հետ կապված առաջիկա անելիքները:

Մարտունի համայնքի ղեկավար Հովհաննես Հովսեփյանի հավաստմամբ՝ այժմ Մարտունի քաղաքի համար երկու կարելուրագույն կառույցների հետ կապված գործընթացները գտնվում են նախագծման փուլում, ու առկա են բոլոր նախարարյալները, որպեսզի 2026 թվականին երկու ուղղություններում էլ տրվի շինարարական աշխատանքների մեկնարկը:

«Աշխարհ» ֆուտբոլային ակումբի նախագահ Բագրատ Նավոյանի հավաստմամբ՝ «Աշխարհ» թիմը պատրաստ կլինի տնային խաղերն անցկացնել Մարտունու մարզադաշտում ճիշտ այն օրը, երբ միջազգային չափորոշիչներին համապատասխան նորակառույց մարզադաշտը պատրաստ կլինի շահագործման:

Խոսքով Խլղաթյան

ԿԱՎԱՌՈՒՄ ՆՇՎԵԼ Է ԹԱՏՐՈՒՆԻ ՄԻՋԱԶԳԱՅԻՆ ՕՐԸ

ՀՀ Գեղարքունիքի մարզպետ Կարեն Սարգսյանի նախաձեռնությամբ և ՀՀ ԿԳՄՍ նախարարության աջակցությամբ արդեն չորրորդ տարին անընդմեջ Գեղարքունիքի մարզում անցկացվող «Թատերական երկամսյակ» մշակութային նախաձեռնության շրջանակում մարտի 27-ին Գավառի Լ. Քալանթարի անվան պետական դրամատիկական թատրոնի շենքում մեկտեղվել են տոնական արարողությունն ու երկամսյակի հերթական ներկայացման բեմադրությունը:

Միջոցառմանը հրավիրված էին մարզպետի աշխատակազմի, համայնքապետարանների, կրթամշակութային և առողջապահական հաստատությունների ներկայացուցիչներ, ուսանողներ, ինչպես նաև բազմաթիվ հյուրեր:

Տոնի խորհրդին համահունչ՝ հյուրերը թատրոն մուտք են գործել կարմիր գորգով, ինչից են Հայաստանի Հանրապետության և Թատրոնի հիմները: Այնուհետ տեղի է ունեցել մրցանակաբաշխություն թատերական մասնագիտության մի շարք անվանակարգերում:

Մրցանակաբաշխությունը կազմակերպվել է Երեւանի «Էլ-Մար» նորարարական ստեղծագործական արվեստի ինստիտուտի կողմից: Թատերարվեստի բնագավառում ունեցած



ավանդի և Թատրոնի միջազգային օրվա առթիվ Գեղարքունիքի մարզպետ Կարեն Սարգսյանի շնորհակալագրերով խրախուսվել են Գեղարքունիքի Լեւոն Քալանթարի անվան դրամատիկական թատրոնի դերասանական անձնակազմի անդամները:

Ընդհանրապես և հատուկ մրցանակներ են հանձնվել ՀՀ ԿԳՄՍ նախարարության, «Էլ-Մար» ինստիտուտի կողմից, իսկ «Սպիտակ կամավորական ռազմախայրենասիրական միություն» հասարակական կազմակերպության կողմից հանձնվել են անվանական կրծքանշաններ:

Մարզում թատերական կյանքի զարգացման, թատրոնի գործունեությանը մշտապես աջակցելու նպատակով Գեղարքունիքի Լեւոն Քալանթարի անվան դրամատիկական թատրոնի տնօրինության կողմից պատվոգիր է շնորհվել ՀՀ Գեղարքունիքի մարզպետ Կարեն Սարգսյանին:

Միջոցառման ավարտին բեմադրվել է Հայկ Հակոբյանի «Չնոտենաք ինձ, տիկին» մեկ գործողությամբ տրագիկոմեդիան՝ ռեժիսոր Արմեն Դալլաթյանի բեմադրությամբ:

ՆՈՐԱՏՈՒՄԻ ՅՈՒՆԵՍԿՕՒՄԻ ԲՆԱԿԱՏԵՂԻՆ ԵՎ «ԱՍԼԱՆ-ՂԱՓԼԱՆ» ՀՈՒՇԱՐՁԱՆԸ

Նորատուս գյուղում պահպանված ու մինչև նորագույն ժամանակներ հասած պատմության հուշարձանների ցանկում իրենց բացառիկ տեղն ունեն նաև «Յոթնադրյուր» կոչվող բնակատեղին և նրա տարածքում գտնվող «Ասլան-Ղափլան» հուշարձանը:

Այս հնավայրը գտնվում է Նորատուսի արևմտյան թեւում, Ազատ քաղաքի ավերակների դիմացի արեւելյան կողմում, Երեւան-Վարդենիս ավտոմայրուղու կողքին, դեպի Սեւան լիճ ընկած հատվածում: Այն, պարզվում է, ոչ միայն հին ու միջին դարերում եղել է սոսկ բնակատեղի, այլ նաև՝ պաշտպանական մշակութային կենտրոն, որը ևս հսկել է Սեւանի ավազան եկող ու զնացող ճանապարհները, եւ՝ պաշտպանել իրեն շրջապատող բնակավայրերը:

Հնավայրի մասին առաջին հիշատակությունը թողել է անվանի հնագետ Գեղեոն Միքայելյանը՝ «Սեւանի ավազանի կիկլոպյան ամրոցները» աշխատության մեջ:

«Ազատ քաղաքից դեպի հարավ-արեւելք, Նորատուս տանող ճանապարհի ձախ կողմում



վրձված է միջնադարյան լայնանիստ ավերակ մի հնավայր, որին տեղացիները «Յոթնադրյուր» անուն են տալիս, կամ էլ՝ «Ասլան-Ղափլան»: Վերջինս կապված է այդ ավերակներից ոչ հեռու գտնվող քարե մահարձանի գազանակերպ գծագրության հետ, որոնք հիշեցնում են վագրի ու առյուծի պատկերներ:

Այդ բնակատեղին մինչ այժմ դիտվել է, ինչպես Ազատ քաղաքը, իբրև սոսկ միջնադարյան մի ավերակ գյուղ, սակայն հետազոտությունները ցույց տվեցին, որ այս գյուղի տակ գտնվում է հնագույն ամրոց-շեն:

Կիկլոպյան միջնաբերդը գտնվում է սարահարթի հյուսիսարևմտյան վերջավորության վրա, ունենալով անկանոն 350 մետր երկարություն ունեցող պարիսպ, որը ընդգրկում է 3-4 հեկտար տարածություն: Միջնաբերդը բոլոր կողմերից շրջապատված է կացարաններով, որտեղ պարզ երևում են ծայրամասերի բնակարանների արտաքին պատերի միացումները, որոնցով ամբողջ բնակավայրը ստացել է մի ուրույն պարսպապատում:

/շարունակությունը՝ էջ 4-ում/

ԳԵՂԱՍՍ 2

ՄԵՎԱՆՈՒՄ «ՄԱՍՆԱԿՑԱՅԻՆ ԲՅՈՒՋԵՏԱՎՈՐՈՒՄ - 2026» ԳՈՐԾԸՆԹԱՅԻ ՇՐՋԱՆԱԿՆԵՐՈՒՄ ՀԱՍՏԱՏՎԵԼ Է 4 ԾՐԱԳԻՐ

ՀՀ Տարածքային կառավարման եւ ենթակառուցվածքների նախարարությունը համաձայնություն է հասնում և ավելի Սեւան համայնքի մասնակցային բյուջետավորման գործընթացում քվեարկության արդյունքներով ամենաշատ ձայներ հավաքած եւ հաղթող ճանաչված 4 ծրագրերին:

Ինչպես տեղեկացրին Սեւանի համայնքապետարանի աշխատակազմից, դրանք են՝ «Առողջ եւ ակտիվ երիտասարդություն» (Գեղամական բնակավայրում երիտասարդական կենտրոնի ստեղծման համար տարածքի վերանորոգում), «Հարմարեցված տրանսպորտային կանգառներ եւ նստարաններ» (Դղմաշեն բնակավայրում տրանսպորտային կանգառների կառուցում եւ նստարանների տեղադրում), «Առողջ միջավայր. բազմաֆունկցիոնալ մարզադաշտ»



(Վարսեր բնակավայրում բազմաֆունկցիոնալ մարզադաշտի կառուցում), «Երիտասարդության զբաղվածության կենտրոնի հիմնում» ծրագրերը:

«Հարմարեցված տրանսպորտային կանգառներ եւ նստարաններ» ծրագրի աշխատանքների իրականացման ընդհանուր բյուջեն 16 միլիոն դրամ է, որից 10,7 միլիոն դրամը կհատկացվի ՀՀ պետական բյուջեից, 5,3 միլիոն դրամը՝ Սեւան համայնքի բյուջեից:

«Առողջ եւ ակտիվ երիտասարդություն» ծրագրի աշխատանքների իրականացման ընդհանուր բյուջեն 15 միլիոն դրամ է, որից 9,7 միլիոն դրամը կհատկացվի ՀՀ պետական բյուջեից, 5,3 միլիոն դրամը՝ Սեւան համայնքի բյուջեից:

«Երիտասարդության զբաղվածության կենտրոնի հիմնում» ծրագրի աշխատանքների իրականացման ընդհանուր բյուջեն 14 միլիոն դրամ է, որից 9,7 միլիոն դրամը կհատկացվի ՀՀ պետական բյուջեից, 4,3 միլիոն դրամը՝ Սեւան համայնքի բյուջեից: Ծրագիրը կիրականացվի Սեւան քաղաքում:

Բոլոր 4 ծրագրերն էլ կսկսվեն ու կավարտվեն 2026 թվականին:

ՎԵՐԱՆՈՐՈՎՎՈՒՄ Է ԿԱՐՃԱՂՔՅՈՒՐԻ ՄԻՋՆԱԿԱՐԳ ԴՊՐՈՑԻ ՇԵՆՔԸ

Գեղարքունիքի մարզի Վարդենիս համայնքի Կարճաղբյուր գյուղի Ա. Գրիգորյանի անվան միջնակարգ դպրոցում ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում 2025 թվականի սեպտեմբերից մեկնարկել է ընթանում են վերանորոգման աշխատանքները:

Ինչպես տեղեկացրեց Կարճաղբյուրի Ա. Գրիգորյանի անվան միջնակարգ դպրոցի տնօրեն Նուրե Ավետիսյանը, դպրոցի վերանորոգման ծրագրի պայմանագրային արժեքը կազմում է 451 միլիոն 200 հազար դրամ, որն ամբողջությամբ հատկացվում է պետբյուջեի միջոցներից: Ծրագրով նախատեսված է շենքի տանիքի, հատակի, աստիճանների, միջանցքների, դասասենյակների, սանհանգույցների, ջեռուցման, էլեկտրական էներգամատակարարման, ջրամատակարարման համակարգերի, մարզադահլիճի, դահլիճի վերանորոգում, նոր դռների ու լուսամուտների տեղադրում, բացօթյա մինի ֆուտբոլի դաշտի կառուցում, այլ աշխատանքներ:



2026 թվականի մարտի 27-ի դրությամբ շինարարական աշխատանքներն իրականացված են շուրջ 50 տոկոսով: Շինարարությունը նախատեսվում է ավարտի հասցնել 2026 թվականի հունիսին:

ՇԱՏՎԱՆԻ ԿՐԹԱՀԱՄԱԼԻՐԻ ԿԱՌՈՒՑՄԱՆ ԱՇԽԱՏԱՆՔՆԵՐԸ ՇԱՐՈՒՆԱԿՎՈՒՄ ԵՆ

Գեղարքունիքի մարզի Վարդենիս համայնքի Շատվան գյուղում ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում 2025 թվականի հունիսից սկսվել է ընթանում են 144 տեղանոց կրթահամալիրի կառուցման աշխատանքները:

Ինչպես տեղեկացրին Գեղարքունիքի մարզպետի աշխատակազմի քաղաքաշինության, հողաշինության եւ ենթակառուցվածքների կառավարման վարչությունից, Շատվանի կրթահամալիրի կառուցման ծրագրի պայմանագրային արժեքը կազմում է 1 միլիարդ 642 միլիոն 149 հազար դրամ, որն ամբողջությամբ հատկացվում է պետբյուջեի միջոցներից: Կրթահամալիրի կազմում, բացի 144 աշակերտ տեղը, կգործի նաեւ մանկապարտեզ 80 տեղով: 2026 թվականի մարտի 17-ի դրությամբ շինարարությունն իրականացվել է շուրջ 30 տոկոսով: Շինարարական աշխատանքները նախատեսվում է ավարտի հասցնել 2027 թվականի մարտ ամսին:

Ջրամատակարարման, ջրամատակարարման, էներգամատակարարման համակարգերի վերանորոգում, նոր դռների եւ լուսամուտների տեղադրում, այլ աշխատանքներ:

ՄԵԿՆԱՐԿԵԼ ԵՆ ՄԵՎԱՆԻ ԹԻՎ 3 «ՀԵՔԻԱՔ» ՄԱՆԿԱՊԱՐՏԵԶԻ ՎԵՐԱՆՈՐՈՎՄԱՆ ԱՇԽԱՏԱՆՔՆԵՐԸ

Գեղարքունիքի մարզի Սեւան քաղաքի թիվ 3 «Հեքիաք» մանկապարտեզում սկսվել է ընթանում են վերանորոգման աշխատանքները: Ինչպես տեղեկացրին Գեղարքունիքի մարզպետի աշխատակազմի քաղաքաշինության, հողաշինության եւ ենթակառուցվածքների կառավարման վարչությունից, Սեւանի «Հեքիաք» մանկապարտեզի վերանորոգման ծրագրի պայմանագրային արժեքը կազմում է 162 միլիոն 960 հազար դրամ, որն ամբողջությամբ հատկացվում է պետբյուջեի միջոցներից, ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում:

Պետական ֆինանսավորմամբ իրականացվող հիմնանորոգումներին զուգահեռ Սեւան համայնքն էլ հայտարարել է մրցույթ «Հեքիաք» մանկապարտեզի բակային տարածքի բարելավման եւ կահավորման նախագծանախաձեռնության փաստաթղթերի կազմման համար: Շինարարական աշխատանքները նախատեսվում է ավարտի հասցնել 150 օրացուցային օրվա ընթացքում: «Հեքիաք» մանկապարտեզը գործում է 6 խմբով:



ԻՐԱՎԱՆԱԳՎՈՒՄ ԵՆ ԳՅՈՒՂԱՏՆՏԵՍՈՒԹՅԱՆ ՈԼՈՐՏԻ ՊԵՏԱԿԱՆ ՕԺԱՆԴԱԿՈՒԹՅԱՆ ԾՐԱԳՐԵՐԻ ԻՐԱԶԵԿՄԱՆ ԱՇԽԱՏԱՆՔՆԵՐ

ՀՀ կառավարության կողմից մշակված գյուղատնտեսության ոլորտի պետական օժանդակության ծրագրերի վերաբերյալ Գեղարքունիքի մարզի բնակչության շրջանում իրագրված աշխատանքներ իրականացնելու նպատակով ՀՀ Էկոնոմիկայի նախարարի նախաձեռնությամբ եւ ՀՀ Գեղարքունիքի մարզպետի աջակցությամբ նախարարության եւ մարզպետի աշխատակազմի համապատասխան մասնագետները հանդիպումներ են ունենում Գեղարքունիքի մարզի համայնքներում:

Ինչպես տեղեկացրին Գեղարքունիքի մարզպետի աշխատակազմից, մարտ ամսի ընթացքում հանդիպումներ են կայացել Վարդենիս, Գավառ, Մարտունի եւ Սեւան համայնքներում, որոնց մասնակցել են համայնքապետարանների գյուղատնտեսության ոլորտի մասնագետներ, պատասխանատու աշխատակիցներ, բնակավայրերի վարչական ղեկավարներ, ֆերմերներ, գյուղացիական տնտեսությունների ներկայացուցիչներ, գյուղատնտեսության առանձին ճյուղերի զարգացմամբ հետաքրքրված անձինք:



Հանդիպումների ընթացքում Էկոնոմիկայի նախարարության եւ Գեղարքունիքի մարզպետի աշխատակազմի ներկայացուցիչները հանգամանալից ներկայացրել են ՀՀ կառավարության կողմից իրականացվող գյուղատնտեսության աջակցության ծրագրերի բովանդակությունը, այդ ծրագրերից օգտվելու դեպքում պետության եւ մասնավոր տնտեսությունների անելիքները, ներդրումների պայմանները, խոսել ծրագրերի արդյունավետության մասին եւ պատասխանել ներկայացրված կողմից բարձրացված հարցերին:




ՎԵՂԱՆՈՐՈՎՈՒՄ Է ԱԿՈՒՆՔԻ ՄԻՋՆԱԿԱՐԳ ԴՊՐՈՑԻ ՇԵՆՔԸ

Գեղարքունիքի մարզի Վարդենիս համայնքի Ակունք գյուղում շարունակվում են միջնակարգ դպրոցի շենքի վերանորոգման աշխատանքները, որոնց մեկնարկը տրվել է 2025 թվականի օգոստոս ամսից, ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում:

Ինչպես տեղեկացրին Գեղարքունիքի մարզպետի աշխատակազմի քաղաքաշինության, հողաշինության եւ ենթակառուցվածքների կառավարման վարչությունից, Ակունքի միջնակարգ դպրոցի շենքի վերանորոգման ծրագրի պայմանագրային արժեքը կազմում է 361 միլիոն 255 հազար դրամ, որն ամբողջությամբ հատկացվում է պետությունից միջոցներից:

Ծրագրով նախատեսվում է հատակի, աստիճանների, նորոգում, տանիքի մասնակի նորոգում, պատերի ներքին հարդարում, ջեռուցման, ջրամատակարարման, էներգամատակարարման համակարգերի, սանհան-



գույցների նորացում, նոր դռների տեղադրում, ցանկապատի ու մարզադաշտի կառուցում, տարածքի բարեկարգում եւ այլ կարգի շինարարական աշխատանքներ:

Շինարարությունը նախատեսվում է ավարտել 2026 թվականի ապրիլին:

Շինարարական աշատանքների ավարտից ու նոր գույքի ձեռքբերումից հետո Ակունքի միջնակարգ դպրոցը կապահովվի արդի չափորոշիչներին համապատասխան բոլոր պայմաններով:

Ակունքի միջնակարգ դպրոցի մարզադահլիճի եւ դահլիճի կապիտալ նորոգման աշխատանքները սկսվել եւ ավարտվել են 2022-2024 թվականների ընթացքում, պետական ծրագրի շրջանակներում, 220 միլիոն դրամ պայմանագրային արժեքով: Ծրագրի իրականացման արդյունքում արդիականացվել են Ակունքի միջնակարգ դպրոցի մարզադահլիճը եւ միստերի դահլիճը:

«Գեղամա աշխարհ»

ՍԵՎԱՆՈՒՄ ԱՂԲԻ ՏԵՍԱԿԱՎՈՐՈՒՄՆ ԱՐԴԵՆ ԴԱՌՆՈՒՄ Է ՀԻՄՆԱՎՈՐՎԱԾ ՄՇԱԿՈՒՅԹ



Քյունն իրականացվում է սահմանված գրաֆիկի համաձայն: Աղբահանության ծառայությունները մատուցվում են ժամանակին եւ որակյալ, ինչը ենթադրում է նաեւ բնակիչների պատասխանատու վերաբերմունք՝ սկսած աղբ թափելու մշակույթից մինչեւ վարձավճարների ժամանակին վճարումը:

Աղբահանությունից անցում է կատարվում թափոնների կառավարման, որի մասնակիցն ու հասցեատերը դառնում են Սեւան քաղաքի բոլոր բնակիչներն ու տնտեսվարողները:

Սեւան քաղաքի մի շարք առանձնատների բակային տարածքներում, քաղաքի փողոցներում, բազմաբնակարան շենքերի բակային տարածքներում, ուսումնական եւ արտադրողական հաստատությունների հարակից հատվածներում ավելացել են նաեւ կապույտ եւ կանաչ թափոնամանները, որոնք հուշում են, որ սեւանցիներն օգոստոս ամսից տեսակավորում են թափոնները:

Սեւան քաղաքում սկզբնաղբյուրում կոշտ կենցաղային թափոնների տեսակավորման նոր համակարգը կյանքի է կոչվել Շվեդիայի կողմից ֆինանսավորվող «Հայաստանում թափոնների կառավարման քաղաքականություն» ծրագրի կողմից, եւ իրականացնում է Հայաստանի ամերիկյան համալսարանի Յակոբեան բնապահպանական կենտրոնը՝ ՀՀ տարածքային կառավարման եւ ենթակառուցվածքների նախարարության եւ ՀՀ շրջակա միջավայրի նախարարության հետ համատեղ:

Շուրջ 300000 եվրոյին համարժեք դրամի աջակցության շրջանակում Սեւանին նվիրաբերվել է եվրոպական արտադրության 1680 թափոնաման եւ մեկ թափոնատար մեքենա:

Տեսակավորված աղբը սանիտարական աղբավայր է տեղափոխվում «Կոտայքի եւ Գեղարքունիքի ԿԿԹԿ» ՍՊԸ-ի միջոցով, որին համայնքը արտապատվիրակել է տեսակավորված աղբի հավաքման եւ տեղափոխման ողջ գործընթացը:

Սեւանում ձեւավորվում է նոր մշակույթ՝ աղբահանության ոլորտում, ու անչափ կարեւոր է յուրաքանչյուրիս վերաբերմունքն ու մոտեցումը նոր մշակույթի որդեգրման ճանապարհին:

Արմինե Դուկասյան

ԿԱՅԱՑԵԼ Է ՍԵՎԱՆ ՀԱՄԱՅՆՔԻ ԱՎԱԳՐԱՆՈՒ 9-ՐԴ ԿԱՏԱՇՐՋԱՆԻ 2-ՐԴ ՆԻՍՏԸ

Մարտի 12-ին կայացել է Գեղարքունիքի մարզի Սեւան համայնքի ավագանու 9-րդ նստաշրջանի 2-րդ նիստը, որը վարել է համայնքի ղեկավար Սարգիս Մուրադյանը:

Նիստի օրակարգում ընդգրկված հարցերի հաստատումից հետո դրանք ներկայացվել են Սեւան համայնքի ղեկավարի եւ ոլորտային պատասխանատուների կողմից:

Սեւան համայնքի ավագանին հաստատել է Հայաստանի Հանրապետության Գեղարքունիքի մարզի Սեւան համայնքի սեփականություն հանդիսացող հողերի կառավարման 2026 թվականի ամենամյա ծրագիրը, «ՀՀ Գեղարքունիքի մարզի Սեւան համայնքի 2026 թվականի բյուջեն հաստատելու մասին» N 148-Ն որոշման մեջ կատարված փոփոխությունները, Սեւան համայնքի 2026 թվականի տարեկան աշխատանքային պլանի լրամշակված տարբերակը: Համայնքի ավագանին ի գիտություն է ընդունել Սեւան համայնքում 2026 թվականի մասնակցային բյուջետավորման գործընթացի արդյունքում ընտրված առաջարկները:

Համապատասխան որոշումներով սահմանվել են Սեւան համայնքի համայնքային սեփականություն հանդիսացող հողամասերի աճուրդային կարգով վաճառքի մեկնարկային գները, հաստատվել Սեւան համայնքի կողմից 2026 թվականի հունվար-փետրվար ամիսներին համայնքային սեփականություն հանդիսացող օտարված գույքի գույքագրման փաստաթղթերը:

Ներկայացված մյուս հարցերը եւս համապատասխան որոշումներով հաստատվել են քվեարկությամբ:

Ավագանու նիստի ընթացքում քննարկվել են համայնքի ավագանու հասցեագրված դիմումները, գեկուցագրերը, որոնց մի մասն ստացել է սպառիչ պատասխան, որոշ դիմումներ էլ լրացուցիչ կքննարկվեն խմբակցություններում:

Արմինե Դուկասյան



ԿԱՅԱՑԵԼ Է ԳՎԱՌ ՀԱՄԱՅՆՔԻ ԱՎԱԳՐԱՆՈՒ 10-ՐԴ ԿԱՏԱՇՐՋԱՆԻ 2-ՐԴ ՆԻՍՏԸ

Մարտի 12-ին կայացել է Գեղարքունիքի մարզի Գավառ համայնքի ավագանու 10-րդ նստաշրջանի երկրորդ նիստը, որը վարել է համայնքի ղեկավար Գուրգեն Մարտիրոսյանը:

Նիստի օրակարգում քննարկվող երկու տասնյակ հարցերը հաստատվել են ավագանու քվեարկությամբ: Քննարկվել են «Գույքահարկի գծով արտոնություններ սահմանելու եւ համայնքի բյուջեից փոխհատուցում տրամադրելու», «Համայնքային սեփականություն հանդիսացող տրանսպորտային միջոցները աճուրդային կարգով օտարելու», «Համայնքային սեփականություն հանդիսացող սպասարկման համար հատկացված հողատարածքը ուղղակի վաճառքի միջոցով օտարելու» հետ կապված հարցերը:



Քննարկվել են նաեւ քաղաքացիների կողմից ներկայացված դիմումները եւ մի շարք այլ հարցեր:

Ալվարդ Մանուկյան

ՄԵԿՆԱՐԿԵԼ ԵՆ ԾՈՎԱԳՅՈՒՂԻ ՄԱՆԿԱԳԱՐՏԵԶԻ ՎԵՂԱՆՈՐՈՎՄԱՆ ԱՇԽԱՏԱՆՔՆԵՐԸ

Գեղարքունիքի մարզի Սեւան համայնքի Ծովագյուղ բնակավայրում ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում արդեն մեկնարկել եւ ընթանում են մանկապարտեզի շենքի վերանորոգման աշխատանքները:

Ինչպես տեղեկացրին Սեւանի համայնքապետարանի աշխատակազմից, Ծովագյուղի մանկապարտեզի վերանորոգման ծրագրի պայմանագրային արժեքը կազմում է 171 միլիոն 240 հազար դրամ, որն ամբողջությամբ հատկացվում է պետությունից միջոցներից:

Ծրագրով նախատեսվում է հատակի, պատերի, աստիճանների, ջեռուցման, ջրամատակարարման, էներգամատակարարման համակարգերի, սանհանգույցների վերանորոգում, պատերի ներքին ու արտաքին հարդարում, այլ աշխատանքներ:

Սեւան համայնքն էլ հայտարարել է մրցույթ՝ մանկապարտեզի բակային տարածքների բարեկարգման եւ կահավորման նախագծանախահաշվային փաստաթղթերի կազմման համար:

Շինարարական աշխատանքները նախատեսվում է ավարտի հասցնել 150 օրացուցային օրվա ընթացքում:

«Գեղամա աշխարհ»

ՆՈՐԱՏՈՒՄԻ ՅՈԹՆԱԳՔՅՈՒՐ ԲՆԱԿԱՏԵՂԻՆ ԵՎ «ԱՍԼԱՆ-ՂԱՓԻԼԱՆ» ՀՈՒՆԱՐԶԱՆԸ



Ասլան-Ղափլան տապանաքարը արաբատառ արձանագրությանը

Մսկիգրը էջ 1-ում/

Սարահարթը, որի վրա կառուցված է միջնաբերդը, արեւմտյան, արեւելյան ու հյուսիսային կողմերից դժվարամատչելի է, ունի խիստ թեթև լանջեր, որոնք շրջապատից բարձր են 25-30 մետր, իսկ հարավային ու հարավարեւելյան կողմերով լանջերն աստիճանաբար իջնում են եւ միաձուլվում դաշտի ընդհանուր մակերեսային:

Միջնաբերդն ունի մուտք՝ դարձված դեպի հյուսիս, որտեղից ճանապարհը դուրս գալով թեքվում է դեպի արեւմուտք եւ ապա հարավ ու կորչում բնակավայրում: Միջնաբերդն ունեցել է երեք աշտարակ, որոնցից երկուսը գտնվում են պարսպի արեւելյան հատվածում, իսկ մեկը՝ արեւմտյան: Նրանք ունեցել են 5*5 մետր հարթակ, սակայն նրանց բարձրության մասին դժվար է որեւէ բան կռահել:

Միջնաբերդից դեպի հյուսիս եւ հյուսիս-արեւելք, լճի մակարդակի իջնելուց հետո, հարթության վրա երեւում են հնագույն կացարանների հետքեր, իսկ այդ ավերակներից այն կողմ՝ նշմարվում են մի քանի բավականին խոշոր դամբարաններ: Այս ամրոց-շենու մի մասակարարման հարցը, ըստ երեւույթին, լուծված է եղել: Ջուրը վերցրել են «Յոթն աղբյուրներից», որոնք գոյություն ունեին մի քանի տասնյակ տարի առաջ: Այժմ աղբյուրները ցամաքել են լճի մակարդակի իջնելու պատճառով, -գրում է Գեղեղն Միքայելյանը:

Անշուշտ, այս հնավայրը մինչ այժմ մեր պատմագրության ու հնագիտական մտքի պատմության մեջ գրեթե ուսումնասիրված չէ՝ չհաշված Գեղեղն Միքայելյանի կողմից կատարված արտաքին ուսումնասիրությունը: Ընդ որում, թե՛ «Յոթնաղբյուրի», թե՛ «Ասլան-Ղափլան» տապանաքար-հուշարձանի մասին խոսք անգամ չկա 2000 թվականին հրատարակված «Նորատուս» փաստագրական ու հանրագիտարանային նշանակության գրքում: Մինչդեռ այստեղ ոչ միայն աշխարհիկ, այլ նաեւ հոգեւոր շինությունների հետքեր են նկատվում որոշակիորեն պահպանված պատերով, որոնք, տեղ-տեղ հողածածկ վիճակում, տարածվում են մի քանի հեկտարի վրա: Ու չի բացառվում, որ մենք գործ ունենք հեթանոսական բազմաշերտ հուշարձանի հետ, ուր մարդկային կյանքն առանց ընդհատումների շարունակվել է հազարամյակների ընթացքում:

Հուշարձանի դրոնային լուսանկարները մեզ տրամադրեց հնագետ Լեւոն Մկրտչյանը, ում հետ վերջին երկու տարիներին այցեցել ենք «Յոթնաղբյուրի» տարածք ու կատարել վերգետնյա գնումներ եւ ուսումնասիրություններ:

Այս բնակավայրը ոչ միայն գտնվել է քարավանային ճանապարհների հանգույցում, այլ նաեւ Սեւանա լճին ու Գեղամա լեռների արոտավայրերին շատ մոտիկ, ինչը եւ բնիկներին հնարավորություն է տվել զբաղվելու անասնապահությամբ, երկրագործությամբ, ձկնորսությամբ, առետրով ու զանազան արհեստներով: Դժվար է առայժմ ասել, թե երբ ու ինչ հանգամանքներում է վերջնականապես լքվել բնակավայրը, բայց մի բան պարզ է, որ անանուն այս բնակավայրի ու բերդ ամրոցի ուժն ու ամրությունը շատ հաճախակի են փորձել օտար նվաճողներն՝ իրենց բազմամարդ ու ավարառու բանակների հետ: Պարզ է նաեւ, որ տեղաբնիկների ու թշնամի զորքերի միջեւ տեղի են ունեցել արյունալի բախումներ, գերեվարություն, բնակչության հարկադրված տեղաշարժեր: Այդ արշավանքներից մեկի արդյունքն էլ հենց եղել է այն հսկա տապանաքարը, որը գտնվում է «Յոթնաղբյուրի» ավերակների հարավային եզրում: Տապանաքարն ունի 2, 77 մետր երկարություն, 1 մետր լայնություն, 1, 01 մետր բարձրություն: Այն տեղ-տեղ մամռապատ է: Տապանաքարն արվեստի արժեքավոր գործերից է, աչքի է ընկնում ինքնատիպ քանդակներով երկու կողմերում հսկա վիշապօձի, այլ կենդանիների քանդակներով: Սակայն շատ ավելի ուշագրավ ու

արժեքավոր է տապանաքարի վրա պահպանված արաբատառ արձանագրությունը, որը շատ կարեւոր տեղեկություն է հաղորդում Հայաստանի 13-14-րդ դարերի քաղաքական պատմությունն ուսումնասիրելու, հայ-մոնղոլական հարաբերությունների անհայտ էջերը պարզաբանելու տեսանկյունից:

Տապանաքարն առաջին անգամ ուսումնասիրել է ադրբեջանցի վիճագրագետ Մ. Նեյմատովան, եւ նրա արձանագրությունը թերի ընթերցմամբ հրատարակել է 1981 թվականին, Բաքվում:

Սակայն հետագայում, հայ հնագետ Ալեքսան Խաչատրյանի ջանքերով պարզվում է, որ այս հուշարձանը որեւէ աղբյուր չունի ադրբեջանաթուրքական մշակույթի հետ: Վիճագիր տեքստի երկրորդ եւ ամբողջական վերծանությունը Ալեքսան Խաչատրյանի կողմից հրատարակվել է Երեւանում, 1987 թվականին: Տեղական ավանդույթի համաձայն, այս եւ կողքի անարձանագիր տապանաքարերը պատկանում են ռազմի դաշտում զոհված Ասլան ու Ղափլան եղբայրներին, որտեղից էլ գալիս է հնավայրի եւ տապանաքարի «Ասլան-Ղափլան» ժողովրդական անվանումը:

Եվ այսպես, արձանագրությունը վկայում է, որ այն Սաադ ադ-դին բ. Սեյֆ ադ-դին էմիրի տապանաքարն է եւ թվագրված է 1305 թվականով Հայաստանում մոնղոլական տիրապետության ժամանակաշրջանում: Վիճագիրը սկսվում է Ղուրանից վերցված ընդարձակ հատվածով, որը ձոն է առ Աստված, ապա գալիս է բուն հիշատակագրությունը: «Այս է տապան ամենաբարձրյալ Ալլահի ողորմածությանը հասած հանգուցյալ տառապալի՝ փառապանծ, մեծ Սաադ ադ-դին բ. (իրն) Սեյֆ ադ-դին էմիրի: Մահացել է Հիջրայի 704 թ. Ռամադան ամսին՝ երկուշաբթի օրը (28.03-27.04.1305 թ.)»:

Սույն արձանագրությունը մոնղոլական տիրակալի մասին մեզ հայտնի միակ գրավոր սկզբնաղբյուրն է: Ամենայն հավանականությամբ, էմիրը եղել է մոնղոլական իշխանության ներկայացուցիչը Գեղարքունյաց գավառում եւ կառավարել է 13-14-րդ դարերի սահմանագլխին: Տապանաքարը համարվում է դեկորատիվ կիրառական արվեստի մաս: Այն խոշոր է, բարձրիկ, ուղղանկյունաձեւ ու պատկերազարդ: Քանդակազարդ են ներքեւից երկրորդ շարքի ուղղահայաց նիստերը, որտեղ պատկերված են վիշապամարտի տեսարաններ, այծերի ու անթամբ ճժույգի բարձրաքանդակներ: Վերին՝ հորիզոնական, նիստը անզարդ է ու անարձանագիր: Արաբատառ թվակիր արձանագրությունը մեկ տողով, կոպիտ նասխ գրչությամբ շուրջանակի փորագրված է տապանաքարի վերնամասի (վերեւից երրորդ ուղղահայաց նիստի) եզրերով:

Դժվար է կռահել մոնղոլ տիրակալն արդյո՞ք իր համար իշխանանիստ բնակավայր է ընտրել Նորատուսին մոտիկ այս շեն-ամրոցը, թե ընկել է ճակատամարտում: Սակայն, ամեն դեպքում, մոնղոլը եղել է նվաճող ու տիրակալ իշխանը, բայց քանդակն ու արվեստի այդ մնայուն գործը կերտվել են Հայաստանում, հայ վարպետի ձեռամբ ու մտահղացմամբ, ուստի այս հուշարձանը ոչ մի կերպ չի կարող համարվել մոնղոլական մշակույթի մաս: Բացի արձանագրությունը, որն արաբատառ է, այն իր ոճի մեջ բացառապես հայկական է, որը գալիս է հայկական կիրառական արվեստի ու քանդակագործության ամենահեռավոր ակունքներից:

Հետաքրքիրն այն է, որ այս տապանաքարի գրեթե կրկնօրինակը գտնվում է Նորատուսի Սուրբ Աստվածածին եկեղեցու բակում, գրեթե նույն չափերի ու զարդամոտիվների մեջ, միայն այն տարբերությամբ, որ միջնադարյան այս հուշարձանը կրում է ոչ թե արաբատառ, այլ հայատառ արձանագրություն: Առավել հետաքրքիրն այն է, որ այս տապանաքարի մասին իր երկերում հիշատակություն է թողել հայ ականավոր հնագետ, ազգագրագետ Երվանդ Լալայանը անգամ մեջ բերելով հայատառ արձանագրության բովանդակությունը:

«Նորատուսի Սուրբ Աստվածածին եկեղեցին պարսպապատ է, որի մեջը եւ շուրջը կան բավականաչափ խաչարձաններ եւ հասարակ տապանաքարեր: Ամենից ավելի

ուշագրավ է մի տապանաքար, 3 մետր երկարությամբ, 76 սանտիմետր լայնությամբ 1,08 մետր հաստությամբ: Սրա երեսին նկարված է մի գավազան, որի երկու կողմը գրված է. «Ես մելիք Ռիկես տապան շինեցի՝ հոր իմուն մելիք Պարթեին»: Այս արձանագրության վերեւ քանդակված է մի ռնգեղջյուր, որ կռվում է յուր վրա ցատկած վագրի հետ, իսկ ներքեւում՝ մի եղջերու՝ ոտների տակ մի վիշապ»: Այս տապանաքարի արեւմտյան կողմը կանգնեցված է մի մի խաչքար, որի ճակատին գրված է. «Կամավն Աստոն, ես Մելիք Բարեքս կանգնեցի գխաչս վասն փրկութեան հոգվոյ իմոյ: Մելիքսեթ կամզող. Բարեքին է խաչս»: Իսկ խաչքարի փկունքին գրված է. «Կամավն Աստոն, ես, մելիք Բարեքս, եղբայրն իմ Ստեփանոս քահանէն, որդին իմ Գունկչայ բեկն, հայրն իմ Գունդուզ աղէն, եկինք Գանձակայ, շինեցինք կարմունձս, շինեցինք շրջապատս, կանգնեցինք գխաչերս, որք երկրպագէք, յիշեցեք ի Քրիստոս», -վկայում է Երվանդ Լալայանը:

Սույն արձանագրության հավաստումը Նորատուսի Սուրբ Աստվածածին եկեղեցու բակում պահպանված խոշոր տապանաքարի վրա չկարողացանք նկատել՝ հուշարձանի չափից դուրս մանազանաչափ լինելու պատճառով: Բայց ուշադիր նայելիս մանուշի պատվածքի ներքո նկատվում են վիշապօձի ու այլ տարրերի քանդակները:

Նորատուսի տարածքով մեկ սփռված հազարից ավելի գեղաքանդակ խաչքար-տապանաքարերն ի յուր աշխարհի աներկյալ փաստում են արվեստի այս սքանչելի կոթողների հայկականությունը, որոնց կողքին էլ անխոս պիտի դասվեն «Յոթնաղբյուր» բնակավայրի տարածքում պահպանված «Ասլան-Ղափլան» հուշարձան-տապանաքար եւ նրա հարեւանությամբ գտնվող մեկ այլ, չափսերով համամատար փոքր, գեղաքանդակ ու անարձանագիր տապանաքար:

Վիշապօձի պաշտամունքն ու խորհուրդը հայկական դիցաբանության, ժողովրդական բանահյուսության, գեղանկարչության, քանդակագործության ու զարդարվեստի պատմության մեջ գալիս է անհիշելի ժամանակներից՝ փոխանցվելով սերնդից սերունդ ու պահպանելով իր գեղագիտական, գեղարվեստական կիրառական նշանակությունը:

Այս մասին վկայում է հայ պատմաբան, բանասեր եւ արվեստագետ Ասատուր Մնացականյանը. «Հայ ժողովրդի եւ նրա նախնիների հեռավոր անցյալում, որպես տոտեմ, մեծ տեղ են զտել նաեւ վիշապօձերը: Ուստի եւ մեր զարդարվեստում հանդիպող վիշապօձերի մի մասը կապված է այդ պատկերացումների հետ... Հայ ժողովրդի դիցաբանության, զարդարվեստի պատկերացումների մեջ, որպես չար ու թշնամի ուժերի իշխող մարմնացում, նույնպես երեւան են գալիս վիշապօձերը: Գլխավոր հատկանիշը, որով հնարավոր է տարբերել բարի վիշապօձերին թշնամի, չար օձերից, հետեւյալն է. եթե այդ էակները պատկերված են ծնող գույներով, կենաց ծառերով, առանձին, ապա դրանք բարի են: Իսկ եթե հանդիպում են զանազան կենդանիների ու մարդկանց դեմ կռվելիս, կենաց ծառերը կլանելիս, ապա դրանք չար ուժերի մարմնացում են», - իր հեղինակած «Հայկական զարդարվեստ» գրքում նկարագրում է Ասատուր Մնացականյանը:

Հնագետ, պատմաբան Լեւոն Մկրտչյանի կարծիքով՝ թե՛ «Յոթնաղբյուր», թե՛ «Ասլան-Ղափլան» գիտական լուրջ ուսումնասիրման կարիք ունեն, որի դեպքում մենք կարող ենք գործ ունենալ մեր ժողովրդի պատմության համար անչափ կարեւոր նոր բացահայտումների հետ:

Խոսքով Խլղաթյան



Նորատուսի Սուրբ Աստվածածին եկեղեցու բակի տապանաքարը

«ՏԱՂԱՐԱՆ» ԳԱՐՁԱՎ 45 ՏԱՐԻԿՆԸ



գործունեություն է ծավալում ներառյալ այնպիսի հայ հոգեւոր միջնադարյան երաժշտությունից մինչեւ եվրոպական մինչդասական ու բարոկկո շրջանի երաժշտություն: Հայ մշակութային գանձերին զուգահեռ հնչում է նեգրական սպիրիտուալներ, իսպանական, ֆրանսական, իտալական, գերմանական, չինական հնագույն երաժշտության ամբողջական պատկերներ:

2026 թվականը հոբելյանական է «Տաղարան» հնագույն երաժշտության անսամբլի համար, որն այս տարի տոնում է իր 45-ամյակը՝ գեղարվեստական ղեկավար եւ դիրիժոր, ՀՀ մշակույթի վաստակավոր գործիչ Սեդրակ Երկանյանի ղեկավարությամբ:

Մոտ կեսդարյա պատմություն կերտած այս բացառիկ անսամբլը, իր տաճարային երաժշտությամբ, անտարբեր չի թողնում անգամ ամենաբծախնդիր հանդիսատեսին: Յուրաքանչյուր համերգի «Տաղարանը» ներկայանում է նոր շնչով, ժամանակին համընթաց ակադեմիական բեմահարթակից հնչեցնելով 5-15-րդ դարերի հայ ազգային մշակույթի բացառիկ արժեքներ շարականներ, տաղեր, հոգեւոր ու աշխարհիկ գոհարներ ու համաշխարհային հնագույն երաժշտություն:

«Տաղարանը» 45 տարիների անբասիր աշխատանքային գործունեությամբ, ազգային ու համամարդկային մշակութային ժառանգությունը պահում, պահպանում, հանրայնացնում ու փոխանցում է սերունդներին: Անգնահատելի է անսամբլի դերը մերօրյա մշակութային պատմության կերտման, կայացման, հայի ու ազգայինի դաստիարակման գործում: 2026 թվականի յուրաքանչյուր համերգ սպասված տոնակատարություն է լինելու հանդիսատեսի համար՝ իր ուրույն ձեռագրով ապահովելով մշակութային հրավառություն:

Իսկ արեւազայի պես շողշողուն սկիզբը եղավ 1981 թվականին, երբ Գրիգոր Դանիելյանը, նույն ինքը, Դանիել Երաժիշտը, հիմնեց Շարական երաժշտության անսամբլը՝ ղեկավարելով այն մինչեւ

1985 թվականը: Անսամբլի անվանումը հուշել է իր ուսուցիչը երաժշտագետ Ռոբերտ Աթայանը: Մասնորոն առաջնորդվել է այն գաղափարով, որ եթե 200-300 տարվա մշակութային պատմություն ունեցող երկրները կարող են հնագույն երաժշտության անսամբլներ ունենալ, ապա հազարամյակների պատմություն ու մշակույթ ունեցող հայ ազգը աներկբայորեն պետք է ունենա իր հնագույն երաժշտական ստեղծագործությունները պրոֆեսիոնալ կատարմամբ՝ ներկայացնող եւ ավետող անսամբլ:

1985 թվականին «Մելոդիա» ֆիրմայի կողմից Արամ Խաչատրյան համերգասրահում, տեղի է ունենում «Շարական» անսամբլի ծայնագրությունը: 1986 թվականին թողարկվում է «Շարական» հնագույն երաժշտության անսամբլի ծայնասկավառակը: Ամենայն Հայոց կաթողիկոս Վազգեն Ա-ն, խորապես կարեւորելով անսամբլի տեղը եւ դերը, որոշում է կայացնում անսամբլն ընդգրկել եկեղեցական միջոցառումների շարքում՝ տալով իր օրհնությունն ու բարեմաղթանքը: Կոմունիստական կուսակցության ղեկավարության առաջարկով հնագույն երաժշտության «Շարական» անսամբլը անվանափոխվել է «Տաղարան», քանի որ անվանումն ուներ կրոնական ու հոգեւոր բնույթ:

«Տաղարան»-ի առաքելությունն ի սկզբանե եղել է վեր հանել ու հանրահռչակել մեր ժողովրդի հնագույն երաժշտությունը: 1987 թվականին «Տաղարան» հնագույն երաժշտության անսամբլի ղեկավարությունը ստանձնում է կոմպոզիտոր Երվանդ Երկանյանը: 1988 թվականին «Տաղարանը» ստացել է պետական կար-

գավիճակ: Այս տարիներին անսամբլը ծաղկումը ապրեց, ներկայացավ այլ հարթության բարձունքից՝ հաղորդելով նոր շունչ ու որակ: Երվանդ Երկանյանը «Տաղարանի» համար մշակել է 350-ից ավելի հայ հոգեւոր, ժողովրդական, ազգային, հայրենասիրական ստեղծագործություններ, որոնք առանձնանում են բարձրաճաշակ, երկանյանական հոգու նուրբ ձեռագրով: Երվանդ Երկանյանի մշակումները առանձնահատուկ են հայ հոգեւոր երգարվեստի ոճի ճշգրիտ ըմբռնմամբ, կոմպոզիտորական բարձր վարպետությամբ:

Այդ տարիներին «Տաղարանը» առաջին անգամ հանդիսատեսին է ներկայացրել Կլաուդիո Մոնտելերի «Պոպեայի թագադրություն», Քրիստոֆ Գյուկի «Օրփեոս եւ Էվրիդիկե» եւ Ա. Տիգրանյանի «Անուշ» օպերաները՝ համերգային ձեռագրված: Երվանդ Երկանյանի ղեկավարության օրոք, 1990 թվականին, «Մելոդիա» ֆիրմայի կողմից Մոսկվայում «Տաղարանը» ծայնագրվում ու թողարկվում է ծայնասկավառակ:

1994 թվականից անսամբլը ղեկավարում է լավագույն մասնորոններից մեկը՝ դաշնակահար, ՀՀ մշակույթի վաստակավոր գործիչ Սեդրակ Երկանյանը, ով ոչ միայն պահում է անգուզական ու մաքրամաքուր բարձր արվեստ ներկայացնելու իր առաքելությունը, այլ նաեւ բեմ է բարձրացնում այնպիսի գոհարներ, որոնք մշակումներն ու գործիքավորումները տասնամյակներ շարունակ ունկնդրին ուղեկցում եւ տեղափոխում են երաժշտության տիեզերական աշխարհ:

Մասնորոն Սեդրակ Երկանյանի ձեռամբ «Տաղարանը» հսկայական

դաստիարակում է որակյալ հասարակություն: Հիրավի, անսամբլի առաքելությունը մեր օրերում բարդ է, բայց Սեդրակ Երկանյան մասնորոն գիտի, որ յուրաքանչյուր ճշմարիտ արվեստագետ ինքն է իր ուղին հարթում, հաղթահարելով բազմաթիվ խոչընդոտներ՝ ի շահ «Տաղարանի»:

Մասնորոն, հավատարիմ մնալով իր գեներտիկ կոդին, Կոմիտասյան ուղենիշը այցեքարտ դարձրած կերտում է «Տաղարանի» իր ղեկավարության եռահատորը: Նա քարտեզագրել, մշակել ու «Տաղարանի» երկացանկը հարստացրել է հորովների, քոչարիների, հայկական խճանկարների, հարսանեկան հայտնի ու անհայտ երգերի ու պարեղանակների շարքերով:

Անսամբլը ներկայացրել է «Կարոս խաչ» վիպերգությունը եւ Հովհաննես Թումանյանի հեքիաթների հիման վրա գրված «Վարք հիմարաց» խաղերգությունը (կոմպոզիտոր՝ Դ. Սաքոյան):

«Տաղարան» հնագույն երաժշտության անսամբլն իր 45 տարիների կարելու ու բեղմնավոր գործունեության ընթացքում մասնակցել է մի շարք միջազգային փառատոների, հայտնի ստուդիաների կողմից ծայնագրվել՝ թողարկելով ծայնասկավառակներ, նկարահանել տեսափոփակներ, մշտապես արժանացել հեղինակավոր հեռուստա եւ ռադիո ծրագրերի ու շաղկապանք, միջազգային ու տեղական մամուլի անդրադարձների: Անսամբլը համերգային ծրագրերով հանդես է եկել աշխարհի բազմաթիվ երկրներում՝ ներկայացնելով հայկական մշակույթը, բարձր հնչեցնելով Հայաստան անունը:

Սարիաննա Գեւորգյան

ԳՅՈՒՄՐԻԻ ՎԱՐԴԱՆ ԱՃԵՄՅԱՆԻ ԱՆՎԱՆ ԴԵՏԱԿԱՆ ԴՐԱՄԱՏԻԿԱԿԱՆ ԹԱՏՐՈՆԸ ՀՅՈՒՐԸԿԱՎԵԼ Է ՄԱՐՏՈՒՆԻ ՔԱՂԱՔՈՒՄ

Գեղարքունիքի մարզի Մարտունի քաղաքը Կանանց տոնի միամսյակի շրջանակներում հյուրընկալել է Գյումրիի Վարդան Աճեմյանի անվան պետական դրամատիկական թատրոնի դերասաններին:

Ինչպես տեղեկացրին Մարտունու համայնքապետարանի աշխատակազմից, Գյումրիի պետթատրոնի կոլեկտիվը Մարտունի քաղաքի մշակույթի տան բեմում հանդես է եկել «Փարիզը վտանգավոր քաղաք է» կատակերգությամբ:

Միջոցառման մեկնարկին համայնքապետարանի կողմից հրավիրված կին հանդիսատեսները ստացել են ծաղիկներ, իսկ առանձնակի շնորհավորանքներով մեծարվել են հայրենիքի պաշտպանության համար հավերժացած հերոսների ընտանիքների կին ներկայացուցիչները:

Տոնական երեկոյի ընթացքում ելույթ է ունեցել Մարտունու համայնքապետարանի



նի աշխատակազմի քարտուղար Սվետլանա Հովհաննիսյանը՝ կարեւորելով կնոջ կենսական դերը հասարակության մեջ, եւ ներկաներին է փոխանցել համայնքի ղեկավար Հովհաննես Հովեյանի շնորհավորանքի խոսքը:

«Թատերախմբի դերասանները փայլուն խաղով գրավեցին ներկաների սրտերը: Երեկոն եզրափակվեց մեր համերկրացի Արեգ Գալստյանի գեղագիտական կատարումներով:

Միջոցառմանը ներկա էին մանկավարժներ, բուժաշխատողներ, ՀՈԱԿ-ների ներկայացուցիչներ եւ բազմաթիվ հյուրեր, ովքեր տոնականն օրվանից բաժանվեցին ջերմ ու հաճելի տպավորություններով, - ներկայացրին Մարտունու համայնքապետարանի աշխատակազմից:

«Գեղամա աշխարհ»

ԳԵՂԱՍՍ 6

Գեղարքունիքի մարզում ավարտվել են «Դպրոցականների բասկետբոլի լիգա» մարզական խաղերի համայնքային փուլի մրցումները, որոնց արդյունքում արդեն հայտնի են դարձել մարզային փուլի մասնակցության իրավունք ձեռք բերած թիմերը:

«Դպրոցականների բասկետբոլի լիգա» մարզական խաղերի համայնքային փուլին հայտագրվել էին 54 հանրակրթական դպրոցների 77 թիմեր:

Խաղերն անցկացվում են 2 տարիքային խմբով, 1-ին տարիքային խմբում ընդգրկվել են 5-6-րդ, իսկ 2-րդ տարիքային խմբում 7-9-րդ դասարանների աշակերտները:

Խաղի ընթացքում դաշտում միաժամանակ գտնվել են 3 տղա, 2 աղջիկ կամ 2 տղա, 3 աղջիկ: Յուրաքանչյուր խաղին թիմի կազմում հայտագրվել են 9 աշակերտ:

Կայացած համայնքային փուլի մրցումների արդյունքում Մարտունի համայնքում 1-ին տարիքային խմբում մարզային փուլի մասնակցության իրավունք է ստացել Վերին Գե-

ՀԱՅՏՆԻ ԵՆ «ԴՊՐՈՑԱԿԱՆՆԵՐԻ ԲԱՍԿԵՏԲՈՒԼԻ ԼԻԳԱՅԻ» ՄԱՐԶԱԿԱՆ ՖՈՒԼԻ ԻՐԱՎՈՒՆՔ ԿՎԱՃԱԾ ԹԻՄԵՐԸ



տաշենի թիվ 1 միջնակարգ դպրոցի թիմը, իսկ 2-րդ տարիքային խմբում Մարտունու Ս. Դարբինյանի անվան թիվ 2 հիմնական դպրոցի թիմը:

Ճանաչարակ համայնքում 1-ին տարիքային խմբում մարզային փուլի մասնակցության իրավունք է ստացել Ճամբարակի թիվ 1 հիմնական դպրո-

ցի թիմը, իսկ 2-րդ տարիքային խմբում Վահանի միջնակարգ դպրոցի թիմը:

Սեւան համայնքից երկու տարիքային խմբի մրցումներում ուժեղագույնը ճանաչվել են Սեւանի Մեսրոպ Մաշտոցի անվան թիվ 1 հիմնական դպրոցի թիմերը:

Վարդենիսից երկու տարիքային խմբերում էլ ուժեղագույնը Վարդենիսի էր. Պողոսյանի անվան թիվ 2 հիմնական դպրոցի թիմերն են:

Գավառ համայնքում 1-ին տարիքային խմբում հաղթող է ճանաչվել Գավառի Պ. Դանդիլյանի անվան թիվ 2 միջնակարգ դպրոցի թիմը, 2-րդ տարիքային խմբում Գավառի Գ. Թումանյանի անվան թիվ 3 հիմնական դպրոցի թիմը:

Մարզական խաղերի կանոնակազմի համաձայն համայնքային փուլում առաջին եւ երկրորդ տեղեր գրաված թիմերն իրենց ուժերը կչափեն մարզային փուլի մրցումներում:

Մարզային փուլի խաղերը կկայացան 2026 թվականի մարտի վերջին օրերին:

Մարզային փուլի յուրաքանչյուր տարիքային խմբում առաջին տեղ գրաված թիմը Գեղարքունիքի մարզը կներկայացնի մարզական խաղերի եզրափակիչ փուլում, որը կանցկացվի ապրիլի 12-18-ը, Երեւան քաղաքում:

Գեղամ Չարվաղարյան

ՉՈՐՍ ՀԱՄԱՅՆՔՆԵՐՈՒՄ ԿԱՅԱՑԵԼ Է «ՀՀ ՎԱՐՉԱՊԵՏԻ ԳԱՎԱՌ» ՍԻՐՈՂԱԿԱՆ ՍԵՂԱՆԻ ԹԵՆԻՍԻ ՄՐՅԱՇԱՐԸ

Գեղարքունիքի մարզի Սեւան, Մարտունի, Ճամբարակ եւ Գավառ համայնքներում կայացել են «ՀՀ վարչապետի գավաթ» սիրողական սեղանի թենիսի 2-րդ տարիքային 10-12-րդ դասարանների դպրոցների հավաքական թիմերի մրցաշարը:

Մրցաշարն անցկացվում է համայնքային, մարզային եւ եզրափակիչ փուլերով ու 2 տարիքային խմբով: 1-ին տարիքային խմբում ընդգրկված են 5-9, 2-րդ տարիքային խմբում 10-12-րդ դասարանների աշակերտները: Թիմերի կազմերում ընդգրկ-

ված են 2 տղա եւ երկու աղջիկ: Գեղարքունիքի մարզում համայնքային փուլին հայտագրվել են 60 հանրակրթական դպրոցների 88 թիմեր:

Սեւան համայնքում անցկացված մրցաշարում 1-ին տարիքային խմբում 1-ին տեղը գրավել է Գավառի միջնակարգ դպրոցի թիմը: 2-րդ տեղը գրավել է Լճաշենի միջնակարգ դպրոցի թիմը, 3-րդ տեղը Դոմաշենի միջնակարգ դպրոցի թիմը: 2-րդ տարիքային խմբում 1-ին տեղը գրավել է Սեւանի Խ. Աբովյանի անվան ավագ դպրոցի թիմը:



2-րդ տեղը գրավել է Դոմաշենի միջնակարգ դպրոցի թիմը, 3-րդ տեղը Չովաբերի 2. Չարենցի անվան միջնակարգ դպրոցի թիմը:

Մարտունի համայնքում 1-ին տարիքային խմբում հաղթող է ճանաչվել Մարտունի քաղաքի Ս. Դարբինյանի անվան թիվ 2 հիմնական դպրոցի թիմը: 2-րդ տեղը գրավել է Մարտունու Ս. Մելիք-Շահումյանի անվան թիվ 1 հիմնական դպրոցի թիմը, 3-րդ տեղը Ծակաբարի միջնակարգ դպրոցի

թիմը: 2-րդ տարիքային խմբում հաղթող է ճանաչվել Ծակաբարի միջնակարգ դպրոցի թիմը: 2-րդ տեղը գրավել է Վերին Գետաշենի թիվ 1 միջնակարգ դպրոցի թիմը, 3-րդ տեղը Մարտունու Տ. Աբրահամյանի անվան ավագ դպրոցի թիմը:

Գավառ համայնքում 1-ին տարիքային խմբում հաղթող է ճանաչվել Սարուխանի թիվ 2 միջնակարգ դպրոցի թիմը: Երկրորդ ու երրորդ տեղերը համապատասխանաբար գրավել են Գավառի թիվ 3 հիմնական ու Լճափի միջնակարգ դպրոցների թիմերը: 2-րդ տարիքային խմբում 1-ին տեղը գրավել է Սարուխանի թիվ 2 միջնակարգ դպրոցի թիմը: 2-րդ եւ 3-րդ տեղերը համապատասխանաբար գրավել են Գավառի ավագ եւ Լանջաղբյուրի միջնակարգ դպրոցների թիմերը:

Ճամբարակ համայնքում 1-ին տարիքային խմբում 1-ին տեղը գրավել է Աղբերքի միջնակարգ դպրոցի թիմը: 2-րդ ու 3-րդ տեղերը համապատասխանաբար գրավել են Ճամբարակի թիվ 4 եւ թիվ 2 հիմնական դպրոցների թիմերը:

2-րդ տարիքային խմբում 1-ին տեղը գրավել է Ճամբարակի ավագ դպրոցի թիմը: 2-րդ եւ 3-րդ տեղերը համապատասխանաբար գրավել են Թթուջրի եւ Աղբերքի միջնակարգ դպրոցների թիմերը:

Հաղթող թիմերը պարգևատրվել են ՀՀ ԿԳՍՍ նախարարի տեղակալ Հասմիկ Ավագյանի կողմից տրամադրված հավաստագրերով: 1-ին, 2-րդ, 3-րդ տեղ գրաված հավաքական թիմերը կմասնակցեն մարզային փուլի մրցումներին:

ՆԱԽԱԳԾԱՅԻՆ ԱՇԽԱՏԱՆՔ «ՈՒՐԱԽ ԵՎ ՏԽՈՒՐ ՇԻՐԱԶԸ» ԹԵՄԱՅԻՆ

Գեղարքունիքի մարզի Մարտունու Ս. Մելիք-Շահումյանի անվան N1 հիմնական դպրոցի 7-րդ «ա» եւ 7-րդ «բ» դասարաններում իրականացվել է «Ուրախ եւ տխուր Շիրազը» խորագրով ուսումնական նախագիծ, որը ղեկավարել է հայոց լեզվի եւ գրականության ուսուցչուհի Մարինե Սահակյանը:

Ինչպես տեղեկացրեց Մարտունու թիվ 1 հիմնական դպրոցի տնօրեն Անժելա Պողոսյանը, նախագծային աշխատանքը նվիրված էր հայ մեծ քնարերգու Հովհաննես Շիրազի կյանքին ու ստեղծագործական ուղուն: Այն կրում էր «Ուրախ եւ տխուր Շիրազը» խորագիրը, բանի որ վարպետի կյանքը լի էր եւ լուսավոր ժպիտներով, եւ խորը ցավերով, եւ նրա կյանքն ու ստեղծագործությունը հենց այդ երկու հակադիր բեկումների միախառնումն էին:

Բոլորս Հովհաննես Շիրազին գիտենք որպես «ուրախ» Շիրազ, ում սրամտությունն ու գյուրեցի Օճիկին բնորոշ հունորը լեզուններ են դարձել: Նա կարող էր դիպուկ պատասխանել ցանկացած խնդրի կամ պաշտոնյայի: Նա հպարտ էր, գիտեր իր տաղանդի ուժը եւ Արագած լեռան պես վեհ էր իր ինքնագույնի հատկանի մեջ: Սակայն այս ամենի թիկունքում թաքնված էր «տխուր» Շիրազը՝ որբանոցի դաժան պայմաններով անցած, հորը վաղ կորցրած եւ աղքատության մեջ մեծացած պատանին: Նրա ամենամեծ տխրությունը սակայն «գերի Մասիսն» էր, որը նա պատասխանեց իր որդուն՝ տուն բերել, -նշեց դպրոցի տնօրենը:

Ուսումնական նախագծի շրջանակներում սովորողներն ուսումնասիրել են Հովհաննես Շիրազի բարդ ու բազմաշերտ կյանքի ուղին՝ սկսած Գյումրու որբանոցային տարիներից մինչեւ համազգային ճանաչում: Հետազոտությունն ընդգրկել է նրա թե՛ «ուրախ» կողմը՝ սրամտությունն ու հումորը, եւ թե՛ «տխուր» կողմը՝ զրկանքներն ու հալածանքները:

Ուսումնական նախագիծն իրականացվել է փուլերով, որի ընթացքում աշակերտներն ուսումնասիրել են Հովհաննես Շիրազի կենսագրությունը եւ ապրած ժամանակաշրջանը, ծանոթացել Հովհաննես Շիրազի գրական մակարանակա պատմությանը, Հովհաննես Շիրազի տուն-թանգարանի եւ հուշարձանի կառուցման մանրամասներին, վերլուծել մեծ բանաստեղծի վերջին պատգամը, քննարկել Հովհաննես Շիրազի եւ Սիլվա Կապուտիկյանի, Հովհաննես Շիրազի եւ Շուշանիկի ամուսնական կյանքի մանրամասները, ուսումնասիրել նրանց գավակների կյանքը:

Նախագծի իրականացման ընթացքում սովորողները ձեռք են բերել եւ զարգացրել հետազոտական ու վերլուծական մի շարք առանցքային հմտություններ: Սովորողները սովորել են ինքնուրույն գտնել եւ օգտագործել տեղեկատվության տարբեր աղբյուրներ: Նրանք ձեռք են բերել տեղեկություններ հավաքագրելու, դրանք համակարգելու եւ սեփական տեսակետն արտահայտող նյութեր ստեղծելու հմտություններ: Սովորողները կատարել են աղբյուրների ուսումնասիրություն, հարցազրույցների վարում եւ տեղեկատվության հավաքագրում: Կարողացել են գատել Շիրազի կյանքի հակադիր բեկումները՝ հումորն ու դրաման:

Ուսումնական նախագծի արդյունքում ներկայացվեց սահիկաշար, որն իր մեջ ամփոփում էր բանաստեղծի կյանքի ուղին ու լուսանկարները, տեսահոլովակ, որտեղ Հովհաննես Շիրազը բացահայտվեց ուսուցիչների աչքերով, տեսանյութ, որտեղ արհեստական բանականության շնորհիվ նոր շունչ էր տրվել անմահ բանաստեղծին, եւ թե՛ մասնակի բուկլետներ, որոնք ամփոփ ներկայացնում էին նախագծի հիմնական բացահայտումները:

Նախագծային աշխատանքի ավարտին կատարվեց հանրային ներկայացում, որի ժամանակ մասնակից աշակերտները եւ բոլոր հյուրերը միասին քայլեցին Շիրազի «վարդերով ու շուշաններով» լի աշխարհով, որտեղ յուրաքանչյուր տղի մեջ հայոց լեզուն է եւ մեր ազգային իղձը, - եզրափակեց Անժելա Պողոսյանը:

Խոսրով Խլղաթյան



ՀԱՅԿԱԿԱՆ ԸՆՏԱՆՈՒԹՅԱՆ ԸՆԴՀԱՆՈՒՐ ԿԿԱՐԱԿՐԻՐ ՀՐԱՆՏ ՄԱԹԵՎ ՈՍՅԱՆԻ ՄՏԵՂԾՄԱԳՈՐԾՈՒԹՅԱՆ ՄԵՋ



/սկիզբը՝ ախորժ համարներում/

Ալխոն գյուղի բոլոր ճանապարհները լավ գիտի, իրեն երբեմն ճանապարհ տարած ժամանակավոր տերերի հասցեները նույնպես, նա անգիր է արել նաև Ղազախի ճամփան արահետ առ արահետ, բարձունք առ բարձունք: Ալխոն ապրում է բեռնաձիու աշխատասիրությամբ, տոկունությամբ, երբեմն ինքնասպառնալիկ, սակայն լուռ ներողամտությամբ: «Լկանը պատռեց բերանը, վիզը ոլորեց ու գլուխը թեքեց, եւ Ալխոն հիմա այդպես էր գնում սարերի արահետով»:

Հայ գյուղացու համար, որին ազնվացնողը նրա չարքաշ աշխատանքն է, աշխարհում իր չարչարանքով վաստակած արդյունքից ավելի վստահելի բան չկա: Նրա գիտակցությանը խորթ է պետության միջամտությունը, վերջինիս ստեղծած արտադրանքը զարգացող տնտեսության ճանապարհին: Եթե դա հաց է, ապա հացի մեջն է, եթե ցորեն է՝ այն որակը չունի: «...Միայն Օմակուտի հացն է պակաս: Պետականը, պետականը, դե ճիշտ է, ցորեն է, այլուր է, բայց դե եսի՞ ցորեն է, այլուր է», - դժգոհելով դազախեցի Սիմոնի տանը «արեւի ուժ» ունեցող հաց է կիսում Գիքորը: Օմակուտի հացը սկսել են թխել գործարանում, ինչը նշանակում է, որ դա այլևս գյուղացու արդար ձեռքի ստեղծածը չէ, մյուս կողմից էլ՝ առուծախի առարկա է նոր ու անծանոթ մի երեւոյթ: Բայց դա էլ բոլորը չէ: «Հացն ստեղծվում է մեծ Սովետական Միության մեջ որեւէ մի տեղ, - ասում է Հ. Մաթևոսյանը, - եւ Դսեղի կարկուտը եւ Շիրակի երաշտը այսօրվա դսեղեցուն եւ այսօրվա շիրակեցուն չեն վերաբերում, քանի որ կարկուտն ու երաշտը չեն խփում այն արտին, որը պետք է լինէր հողի եւ գյուղացու փոխադարձ սիրո եւ փոխկապակցության արդյունքը...»: Հողը, որը սիրվել է գյուղացու կողմից, որի նկատմամբ մշակողի հոգատարությունն ու գործվածքը ազգային մշակույթի մի մասն է եղել, այժմ գյուղացու ափերից փոխանցվել է պետական ձեռքերին, եւ դրանով իսկ գյուղացին զրկվել է կարեւոր մի բանից՝ ավանդաբար ժառանգվող եւ բնության օժանդակությամբ իրականացվող աշխատանքից: Սա խոսում է մարդու ավանդական կացութեան փոփոխության մասին, որը գուցե հարմարավետ է, սակայն խորթ է ծնական սիրտին:

Առաջին անգամը չէ, որ Գիքորը Ղազախում է, բայց առաջին անգամն է, որ նկատում է մոտոցիկլի վրայից երիտասարդը ձեռքը երկարում, կատակով, թե անամոթաբար զարկում է դեռատի աղջկա հետույքին, ու երկուսն էլ շարունակում են իրենց ճանապարհը, ու երկուսն էլ չեն անաչում: Ղազախեցիները «չունեն քաղաքի կարգուկանոնը

կամ փոքր գյուղերի տնավար առատությունը», իսկ «կլուբներին» առաջ մեծ փորձերով տղամարդիկ են կանգնում, ինչը նշանակում է, որ նրանք հունձ չեն անում: Մի բան ընդհանուր է՝ տղամարդիկ, ինչպես Օմակուտում է ընդունված, նարդի են խաղում: Սակայն, երբ անձրեւ է գալիս, առաջինը նարդին են հավաքում, մինչդեռ «Օմակուտ անձրեւն սկսվում է փչացող խոտի տագնապով»:

Գիքորը տարակուսանքով լսում է ցավով արձանագրում է, որ Սիմոնը կով չունի եւ չի էլ ցանկանում ունենալ՝ «ինչի՞ ս է պետք»: Որպես մեխանիզատոր է աշխատում, տան վրա երկրորդ հարկ է զգել եւ հանգիստ ապրում է:

Գիքորի սրտին ծանրանում են նաեւ Սիմոնի որդու անունը՝ Մակբեթի, կապույտ ու սառը աչքերը, օտարոտի վերաբերմունքը, որին ինքն արժանանում է պատերազմի տարիներին իր հացով սնված ընտանիքում: Շուրջ կտել է Ալխոնի վիզը եւ պետք է եռացրած ջրով լվանալ, իսկ ջուրը շարունակ ուշանում է: Երեխան ուղղակի հայտնում է, որ Գիքորը ջուր չի խնդրել: «Եվ ինքը հասկացավ, որ միակ մտերիմն այդտեղ Ալխոն է»: Սիմոնը ոչ այն է՝ անտեղյակ, ոչ այն է՝ անտարբեր է երեխաների նկատմամբ: Գոհ է, որ իրենից հաց չեն ուզում, իրենք իրենց համար են ու դեռ ավելին իրենք գիտեն իրենց գործերը:

«Մարդը հեռանում է աշխատանքից, դրա արդյունքից: Օտարում տարածվում է եւ ընտանեկան հարաբերությունների վրա, քանի որ հացի արարման ընթացքին ընտանիքի անդամները մասնակցություն չեն բերում», - իրավացիորեն ընդգծում է Վ. Գրիգորյանը:

Գիքորի սիրտը կրծող ցավերը բազմաթիվ են, սակայն ազնիվ, ներփակ եւ դատարկվող գյուղի ցավերը բոլորին են վերաբերում: Գիքորն առանձնապես վրդոված է որդու՝ Հենրիկի վարքի, ապրելակերպի պատճառով: «Ահա, հնձվորն աղբյուրի գլխին գերանդի է քաշում, կանայք աղբյուրի տակ խոտ են դիզում, եղա՞վ, եկել նստել եք մեջերս, տաշի-տուշի»: Ստովի կրիվը հարազատ որդու հետ այն բանի համար է, որ Հենրիկը ծերունագարդ հորը, կնոջն ու զավակներին թողել է գյուղում, ինքը տեղափոխվել է Կիրովական, ապրում է աշխատում է այնտեղ, իսկ Օմակուտ գալիս է ամռանը՝ ընկերների հետ կերուխում անելու: Օմակուտի մասին հիշում է մեկ էլ, երբ իրեն գյուղի բարիքներն են պետք են այն էլ հարկ չի համարում անձամբ տանել, երբ քաղաք մեքենա կգնա, թող հայրը բեռնի, ուղարկի: Հոր ներողամիտ սիրտը հանդարտվում է, մշակում, հավաքում ու բեռնում է, սակայն ուղարկելուց հետո կրկին գայրուկում է լցվում: Ամիսներ ի վեր լուր է ուղարկում որդուն, որպեսզի մթերքի դատարկ պարկերը ետ ուղարկի՝ ապարդյուն:

Գիքորին ցավ է պատճառում որդու բարոյական անկունը: Որդու հետ գյուղ եկող քարտուղարուհու ոտքերը երկար են, իսկ իր հարսը «անձկուն գյուղացի» է: Որդին հոր մասին հիշում է գառը բաստուրմա դնելու, ընկերներին մաքուր կապույտ օղի հյուրասիրելու ժամանակ, իսկ խորովածը սեղանին դրվելուց հետո մոռանում է նրա գոյության մասին եւ անգամ հանուն հոր ներողամտության կենացը չի խմում: Ժամանակ առ ժամանակ աչքերը ոլորում է կնոջ վրա, որը լուռ համեստությամբ Գիքոր հայրիկի հետ խորոված է հասցնում սեղանին: Գիքորը տեսել է, թե հարսի կրկրողն ինչպես է ուռչում նման դեպքերում: Հարսն աչքի է ընկնում

հնազանդությամբ, բարեվարքությամբ: «...Նա երեք երեխա է ծնել, նրա երեխաների վրա մի ծուռ տեղ չկա, նրա տունը փայլեցրած է, հնազանդ, նա եթե չի էլ սիրվում հյուսիրում է, նա տան կին է, իսկ լրբերը լինում են հատուկ տեսակի»:

Վիպակում աչքի են զարնում քաղաքի ծնած դառնությունները: Նոր սերունդը հեռանալով գյուղից, հեռանում է իր բարոյական նկարագրից, իր մեջ դաստիարակված մարդկային որակներից, ներքին կարգապահությունից, ավագ սերնդի կողմից իրեն փոխանցված նորմերից: Քաղաքն իրենով է անում նոր սերունդին, ինչի հետեւանքով գյուղը կորցնում է իր հողը փայփայողին՝ վարողին, ցանողին, հերկողին, կյանքն այլևս չի զարգանում խոտի դեզի ստվերում, ինչպես նախկինում: Գնացողները ետ չեն գալիս, նրանց սիրտն այլևս չի ցավում մնացողների համար:

Նեղ, անձնական հարաբերությունների ֆոնին տեսանելի է Գիքորի նկատմամբ պատշաճ վերաբերմունքի բացակայությունը, ինչը վկայում է նոր ժամանակներում հայր ու որդի հարաբերությունների խաթարման, ծնողների, ավագների նկատմամբ հարգանքի, գնահատանքի, մեծարանքի բացակայության, որդիական պարտականությունները չկատարելու մասին: Նկատվում է նաեւ երեւոյթի հակառակ եւ ոչ պակաս անցանկալի դրսեւորումը: հայրերը չեն հետաքրքրվում իրենց զավակներով, նրանց նիստուկացով, մեծերի նկատմամբ վերաբերմունքով, նրանց հետաքրքրություններով, ապագայով: Ընդհանուր փոխհարաբերությունների մեջ օրեցօր պակասում է պարզությունը, բարեկամությունը, սրտաբացությունը, երախտագիտության զգացումը նույնիսկ երբեմնի ստնտուի նկատմամբ: Խոսքը այնպիսի արատավոր երեւոյթների մասին է, որոնք բույն են դրել փոքրիկ, աննկատ գյուղաքաղաքներում ու քաղաքներում՝ նոր ժամանակներ թեւակոխելու, սոցիալ-տնտեսական տեղաշարժերի եւ այլ հանգամանքների հետեւանքով:

Գյուղն ազնիվ է ինքն իր հետ, պահպանողական ու հետևողական է իր բարոյական կերպարի նկատմամբ («Օգոստոս»): Նրանք, ովքեր երբեւէ ինչ-որ դիպվածով շեղվում են ընդունված բարոյական նորմերից, արժանանում են համարժեք վերաբերմունքի: «...Մարիամի գլխաշորը հանցե՞ր որ չպատռվի, բռնեց բոլոր մազերը միանգամից՝ որ փուռը փոքր չլինի ու չպոկոտվի, ու խփեց ուսերին, կրծքերին, փորին, մեջքին, քամակին: Հետո գլուխը կռացրեց ու խփեց միայն մեջքին, մեջքին, մեջքին՝ որպեսզի եւ ցավը լինի, եւ կապտուցը չլինի»:

Աշխենի այս դասը Մարիամին է ուղղված՝ իր ընկերուհուն, որի ամուսինը զոհվել է ռազմաճակատում, երբ Մարիամն ընդամենը քսան տարեկան է եղել: Կյանքը բեռ է դարձել Մարիամի փխրուն ուսերին՝ իր ու երկու դստեր ապրուստի միջոցները, անտղամարդ տունը, հասարակության աչքը, իր երիտասարդությունը: Մարիամը, մեծ դստերն ամուսնացնելուց հետո ապրում է փոքրիկ հետ՝ ազնիվ աշխատանքով, ծանրաբեռ եւ խաղաղ տանջանքով: «Հասարակությունը նրան զրկել է ամեն կարգի առավելություններից, - նկատում է Վ. Գրիգորյանը, - կյանքը նրան վերածել է բեռնաձիու՝ հոգսաքաշի, որի համար ապրելը գոյության կռիվ է, հացի համար պայքարը՝ անենօրյա, չընդհատվող աշխատանք»:

Մի երեկո Մարիամն իր սայլը տվել է Անդրոյի՝ սարքելու, հետո նրան թույլ է տվել ստուգել իր թախտի ամրությունը, իսկ Անդրոն չի ցանկացել ետ դառնալ, քանի որ «կյանքը կարճ է», իսկ Մարիամը

փոխ պես տաք է: Անդրոն հարցրել է, թե «անմարդ շա՞տ է դժվար» եւ այդ արել է խղճահարված, մարդկայնորեն:

Մարիամը գյուղական հոգսին սովոր կին է, եւ նրա աչքը ո՛չ ուրիշի կյանքին, ո՛չ էլ նրա ունեցածին է, պարզապես նա «անօգնական է»: Նա բավարար համարձակություն չունի անգամ ծառից ընկած պտուղը առանց թույլտվության վերցնելու, քանի որ դա ուրիշի այգու պտուղն է: «Կարելի՞ է տանձ վերցնել, - տանձեցին կըվել էր բերքի առատությունից, - տո հիմա՞ր... իրեղ բերանդ է մտնում, վերելից քաղիր, էլի՞»:

Աշխենը լավ է գիտակցում, որ անամոթ ու անպատկառ կնոջ հետ չէ, որ գործ է ունեցել իր Անդրոն, սակայն նա չափված ու զոված կյանքով է ապրում: Ֆերմայում ամենաշատը իր հանձնած կաթն է, ամենամաքուրը իր մաքրած հորթանոցներն ու հորթերն են: Աշխատում է լի ու լի էներգիայով, շարժվում է լի ու լի էներգիայով: Մարդկանց հետ առնչվում է խոնարհությամբ, մի քիչ էլ անոթխածությամբ, գործն ավարտելուց հետո անգամ ոտքը ֆերմայից դուրս չի դնում, մինչեւ ֆերմայի վարիչ Լեւոն քեռին չտա իր համաձայնությունը: Անդրոն հայտնվում է ուշ, ասես խոտի մասին չի մտածում, առջևում ծնեռ չկա, ,տաշած քարի է ման գալիս, որ մտնի տակը: Հատկապես այս վերջին հանգամանքը Աշխենին էլ, Անդրոյին էլ դուրս է մղում ընդունված կարգուկանոնից, եւ ստիպում է, որ Աշխենի կուրծքը ուռչի խանդից:

Աշխենը, քեռի Լեւոնի առաջ, անոթխածի իր կերպարով, կնոջ խոցված ինքնասիրությունը թաքցրած, թվում է՝ իսկապես հնձվորին մածուն տանելու է գնում: Բայց ոչ: Աշխենը գնում է պարպելու իր միջի գայրույթը, որ առաջացել է մի քիչ չիրականացած ցանկությունների, մի քիչ Անդրոյի ապրած փափուկ կյանքի, եւ հատկապես իր ու Անդրոյի համեստ երջանկությունն անխաթար պահելու մղումով: Բայց այդ գայրույթի միջից դեռ կարելի է Մարիամին: «Հետո ջուր խմեցրեց Աշխենը Մարիամին, իր սանրը տվեց մազերը սանրելու, կապեց նրա գլխաշորը եւ դուրսը ինքը վերցրեց, որովհետեւ Մարիամը ոտքի վրա դժվար էր մնում»:

Անդրոն կիսով չափ սիրում, կիսով չափ էլ խղճում է Մարիամին՝ «շալակով խոտ չբերես, քեզ մի՛ սպանիր, Մարիամ»: Աշխենի լիքը-լիքը մարմնին, երկար-երկար լեզվին երբեմն նայում է անտարբերությամբ, երբեմն հաճույցով ու դրա հետ էլ զարմանում է, թե մեկ-մեկ ո՞ր է կորչում Աշխենի երկար լեզուն:

Այս բոլորը գյուղի ներսում է, գյուղաշխարհի հոգու մեջ եւ այդ աշխարհն իր մեծ ու փոքրով այնքան կենսունակ է, որ մարդու մահից հետո անգամ ամեն բան նրան է հիշեցնում: Մայրն էս ձորին, եւ հիշում են, որ հայրդ մի օր նստած է եղել ձորի բերանին, ձեռքդ մեկնում ես գործին եւ հիշում ես, որ մի օր այդ գործում հայրդ է օգնել քեզ: «Բա ես ի՞նչ անեմ կացինս, կոթ չունի», - ասել է ինքը: «Սարքեմ, քեզ մատաղ, - պատասխանել է հայրը»:

Հայրը սարքել է եւ այնպես է սարքել, որ գյուղի դարբինը ճանաչել է նրա ձեռքի գործը: Կացնի կոթը սարքվել է մի հացեմու փայտից, որը դեռ հոր կյանքի օրոք այլևս չկար, իսկ «ապակիով, կոշտ շորով, ափով հղկված» հոր սարքած կացնի կոթը դեռ կա:

/շարունակելի/ Ռուզան Վարդանյան



ՀԱՅԴՈՒԿ ԼՈՐԹՈՆ

ման ծրագրի պայմանագրային արժեքը կազմում է 590 միլիոն 733 հազար դրամ, որն ամբողջովին հատկացվում է պետությունից միջոցներից:

2026 թվականի մարտի 27-ի դրությամբ կառուցված են շենքի երկու հարկերը, տանիքը, տեղադրված են լուսամուտները, ընթացում են ներսի հարդարման ու այլ կարգի աշխատանքները: Շինարարական աշխատանքներն իրականացված են ավելի քան 60 տոկոսով: Շինարարությունը նախատեսվում է ավարտել 2026 թվականի դեկտեմբերին:

«Գեղամա աշխարհ»

Գեղարքունիքի մարզի Վարդենիս համայնքի Խաչաղբյուր գյուղում ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում 2025 թվականի հուլիսից սկսվել են ընթացում են 75 տեղանոց մանկապարտեզի նոր շենքի կառուցման աշխատանքները:

Ինչպես տեղեկացրին Գեղարքունիքի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչությունից, Խաչաղբյուրի մանկապարտեզի նոր շենքի կառուց-



Հարություն էր անունը, բայց Լորթոն գիտեին անունը:

1904-ին էր, երբ առաջին անգամ հանդիպեցի անոր Վանի մեջ:

Նալպատիկ Նշանի խումբին անունն էր տարեցն էր, արհեստով մսագործ: Կը մոտենար 60-ի: Աչքիս զարկավ անոր լայնալանջ ըմբիշի կազմվածքը եւ մորուքի կողերուն հետ ձուլված իր ահագին պեխերը: Ամէկտու եւ չխոսկան էր: Երբեմն միայն մեկ-երկու հեզմանքներ կատարէ եւ մանկական անուշ կարծ ծիծաղ մը: Փորձեցի խոսեցնել, օձիքը ազատեց փնփնթալով:

-Ես պեան չեմ կիտէ, էնա Նշանին խարցու, էնա ու Վահանը կրեապառ (զրաբար) պաներէն կը խասկնան, իմ խելքը չի խասնի...:

Գրագետ չէր, բայց փիլիսոփա մըն էր: Իր անխախտ կարծիքներն ուներ աշխարհի չարի ու բարիի մասին: Ոչնչի չէր զարմանար, ոչնչեւ չէր զայրանար: Երբ իր ընկերներու հետ էր, ավելի համարձակ էր ու ոյուրահաղորդ: Կ'ըսէր անոնց, երբ կը գանգատեին կյանքեն.

-Ապա ինչիս գիտես, կեանքը կը եայի, կ'ուզես խավնի (հավանի), կ'ուզես մի խավնի: Նպատակ որ չունենաս, գէշ ի. եա էշ, եա դու: Մարդ ասածդ Աստված ստեղծի ի, որ պեանին պետք կեայ, թէ չէ տավարի պէս կեանքէն պեան չես խասկնա. եա կաս, եա չկաս...:

Վասպուրականին մեջ դաշնակցության մուտքին առաջին օրէն իսկ Լորթոն հեղափոխական դարձած էր: Պետոյի, Դումանի, Վարդանի եւ Վազգենի հավատարիմ թիկնապահն ու զինակիցն էր եղած, մասնակցած էր հազար ու մեկ կռիվներու:

Իր ընկերները կը դրդեին, որ պատմել տամ Պողոս-Քեասասնա՝ Դումանի խմբի կռիվը: Օր մը, երբ քեֆը տեղն էր, պատմեց.

-Շտէ, ես ի՞նչ գիտեմ, կեո Պաշկալանայ ետեւէն զարկեմք Չուխա Կիատուկ ու ընցանք սահմանը, մտանք Դերիկա վանք: Կաթ, մածուն, սեր պօլ իր, քեֆ քեաշինք, ամա առտուն տաճիկ ասկեար ու աշիրաթներ պաշարեցին մզի... Չարկինք, զարկվանք,

ճար չկար, ահագին բոլուկ էր, մենք երսուն հօգի, ի՞նչ կանանք անենք... Դուման ըսաց. «Չէ, մենք իսոնց վրէն չենք կանայ, պիտի ինչիս էլնի, տյուս գանք: Իրիկուն որ ելավ, մենք հանկարծակի տուշմնին մեր քֆընքներու առջեւ տվինք, փախան, ճամփախ պացին, մենք էլ աջ ու ձախ կրակելով զարկինք սար...»

Համա պարոն Նիկօլը չէր կանաքելէ, խիվանդ էր: Խօ չենք թողայ դուշմնին: Դե.դե, պարոն Նիկօլ, ջանիդ մեռնեմ, քիչ մըն էլ գօռ տուր, խասնեք սարի ծեր: Էնտուց դեն վտանգ չկա, ասինք: Խեղճ պարոն Դումանը գօռ արեց: Համա էս անգամ ըսկի չէր կանէ քելէ: Խուսմը ետ մնաց: Տղենք չեն գիտե, ինչ ընեն, լույսն էլ կը պացվէր: Ասի, եալլա, պարոն Նիկօլ, վալլա, քե պիտի շլկեմ-տաննեմ: Պ. Նիկօլ ասաց. «Չէ, Լորթո, չես կանայ, շատ ծանր եմ», ասի դու մառախ մի անէ, ես քէ կը տաննեմ. Ելի վեր ուսերացս. Պգտիկ ծի պէս առի շալակ: Համա դօրք շատ ծանր էր, միհար էր, համա խաստ ոսկոր էր օղորմած հոգին:

Յավն էն էր, որ կը հետապնդէին մեզ, ես էլ զօրով կը քելի: Աստված կյանք տայ մըր տողց, գյուլլի տակ առին քրդերը ու պաշտպանեցին մեզ: Էլ ի՞նչ գլուխդ ցավցնեմ: Կեո ըսկնայ... Երկու սիաթէն խասանք Սալմաստ:

-Չը հոգնեցի՞ր այդպէս երկու ժամ բեռն տանելով:

-Ապա չէէ... ամա պարոն Դումանն էր շլկիս, չէ... Մէկ-երկու ամիս փորիս տակ մի քիչ ուռավ, ամա հիմի էլ պեան չկայ...:

Լորթոյին վիճակվեցավ քովս զալ Կովկասի հայ թաթարական կռիվներու ատեն, երբ Հին Նախիջեւանի պաշտպանության գործը մեզ էր հանձնված (Վանի Սարգսիմ, դաշնակցական խեչոյին եւ ինձի): Ծիշտ ժամանակին վտանգներու միջեւ հասավ մեր քով: Փորձառու եւ վստահելի զինվորներու պետք ունեինք:

Լորթոյին ուղարկեցինք Ձնաբերդ գյուղի պաշտպանության գործը ստանձնելու: Պաշտոնաթող գեներալ եղած թաթար բեկի մը հայաբնակ գյուղն էր: Բեկի քարաշէն տունը գյուղի մեջն էր, բայց այդ օրերուն, թերեւս, վախեն գյուղեն հեռացած էր, բայց իր մարդկանցով շարունակ հարձակման կենթարկէր գյուղը:

Լորթոն տեղացիներեն տեղական եւ թուրքիկ խումբեր պատրաստեց, որոնք շարունակ ետ կը մղեին թշնամին: Օր մըն ալ Լորթոն թակարդի մեջ կը ձգէ բեկին իր մարդկանցով, լավ ջարդ մը կուտա, բայց բեկը կը հաջողի ազատիլ իր վերարկուն ձգելով:

Լորթոյին կանչեցինք գեկուցելու այդ դէպքը: Նա վեհափառորէն ներս մտավ մեր շտաբը... Գեներալի փառավոր վերարկուովը (Մոխրագույն, աստառը կարմիր ու ոսկե կոճակներով) եւ իր ահագին փափախովը: Չը գիտեինք խնդանք, թէ բարկանանք:

-Աս ինչ մասխարութիւն է, Լորթո, բարկացա ես:

-Ի՞նչ մասխարութիւն, պարօն, եւ հայացքիս հետեւելով նկատեց, որ խօսքը գեներալական վերարկուի մասին է: Ժպտաց, արհամարական արտահայտութիւն ընդունեց:

-Եսա պալտոյի մասի՞ն ի... Վեալլա, շատ խորոտ պեան ի, ինչու՞ էն սատկած թուրքը կը խակնի մասխարա չի, ես մասխարա՞ իմ...:

Ապա մեզմէ ապահովված, նա գործե ազատ ատեն այդ հագուստով կը կանգնէր եկեղեցիի դուռը, թեւերը ետին ու սրախտություններ կը նետէր ծանոթ հայերուն: Սիրելի էր ամենուն իր պարզամտությամբ, կենսուրախ բարեմիտ հեզմանքներու, մանավանդ իր պատրաստակամության համար:

Նախիջեւան քաղաքը եւս ուներ իր հին թաթարական ավատական ընտանիքները՝ Նախիջեւանի խաները: Ատոնցմէ հայտնի էր Ռահիմ խանը՝ ճարպոտ խոշոր թուրք մը, որ միշտ քանի մը թիկնապահ ետեւը ձգած, չէրքեակիով կը պտտէր: Ռայիմ խանն էր, ով թաթարական մարտական ուժերուն մեջ մեծ հեղինակություն ուներ ամբողջ գավառի թաթարներու վրա:

Այնպէս պատահեցավ, որ մեզի տրամադրված տուներուն մեկի ետեւի մասը շինված լինէր Ռահիմ խանի այգիին ծայրը: Այդտեղէն կերելար խանի միահարկ տան պատշգամբը, որ նա սովորություն ուներ երբեմն նստիլ եւ դայլան քաշել՝ առանց մեզմէ կասկածելու:

Մտածեցինք սպաննել խանը: Պատին մեջ ծակ մը բանալ եւ հոնկէ գնդակահարել: Դաշնակցական խեչոն գաղտնապահ տղա մը գտավ, եւ ծակը բացվեցավ: Տեռորի գործը Լորթոյին հանձնվեցավ՝ իբրեւ հին լավ նշանառու:

Լորթոյին գաղտնապահ ըսինք մեր մտադրութիւնը՝ առանց պարագաները հայտնելու: Վերջին րոպէին միայն խեչոն տարած էր նրան ծակին մօտ եւ 5-6 սանտիմետր տրամագծով ծակէն ցույց տված էր խանի պատշգամբը՝ պատվիրելով նստել ծակին քով եւ զարնել, երբ խանը երեւնար հոն: Լորթոն հանկարծակի եկած էր, շվարած դիտած էր ծակէն, հարցական նայած էր խեչոյին եւ հարցուցած հեզմանքով.

-Ես ա պգտիկ ծակէ՞ն պիտի զարկեմ:

-Այո, իհարկէ:

Լորթոն պահ մը լռելէն վերջ խիստ դենք մը առած ըսել էր. -Չէ, պարոն խէջօ, էս իմ բանը չէ, Լորթօն այսպիսի բան չի անի, դապուկ չի (չի ընդունվիր), որ ինչընդին ետեւէն զարնի, ծակէն զարնի... Վալլա էտա նամարդություն ի... Էտա իմ բան չի... Ասեք զարնեմ ինոր, երբ ծիով փողոց կ'ելնի, մտնեմ տուն ու զարնեմ... համա ճակատ-ճակատի...:

-Ի՞նչ հիմար բաներ կը խոսիս. բարկացած էր խեչոյի թիկնապահ ընկերը:

-Ինչու՞ հիմար ի, գնա դու զարկ, որ լավ բան ի: Կուզեք պատժեք գիս, գիմաթափ արեք, ամա ետեւէն մարդ չեմ կրնա զարկի:

Այսպէս էր Լորթոն: Նա ուներ յուրահատուկ բարոյական հասկացութիւններ:

Երկար տարիներէ հետո վերջին անգամ տեսա անոր Երեւանի մեջ, երբ Հայաստանը անկախ էր:

1920 թվականին էր, գարուն: Երջանիկ էր Հայաստանը իր անկախությամբ, թեւ թշվառ ու ուժասպառ: Սերի դաշնագրի վավերացման կսպասեինք ամենքս: Կառավարության որոշմամբ Փարիզ պիտի երթային միանալու Ահարոնյանի պատվիրակության: Մեկնումես քանի մը օր առաջ այցելության եկավ ինձի մեր Լորթոն: Իմ խանդավառութիւնը ուզեցի կիսել Լորթոյի հետ:

-Է, Լորթո, ի՞նչ կըսես հիմա, կը տեսնես, որ զուր պոյուն չը թափեցինք՝ հայ գորք կուներանք այսուհետ, գենք կուներանք, թնդանք...:

-Իսա, էտա սկուն ի (այդպէս), ամա էտա երկու տարի ի խելք կ'անիմ, կը նայիմ չորս կողմն ու չեմ խասկնա՞ վո՞վ ի էս երկրի մեծը... մաճիս կա, կը տեսնամ քե, մեր Սարգիսի կնիկը (Տիկին Պերճուհի պարլամենտի անդամ), մեր Մալխաթը, բոլորդ նստուկ իք մաճիս, ամա որ Հայաստանը կասիս անկախ ի, ապա ու՞ր է մեր թագավորը... առանց թագավորի վե՞ր՞վ է տեսէ ազատություն...:

Հեզմանքս ժպիտով նայեց ինձ: -Չէ Լորթո, մենք առանց թագավոր պիտի կառավարենք մեր Հայաստանը, Հայաստանը հանրապետական է:

-Ի՞նչիս Հայրապետական:

Քիչ մտտաց, ապա ավելացրեց. -Կաթողիկոսն է անկախության մեծ... Պօշ պեանի... խազար խազար տարի մնա, մեր ազգը չընդունի Հայրապետ... չորս օծեալ թագավոր չլինի, խէր չկայ... դատարկ բան ի... Դու կասես նախագահ պիտի ըլլայ, բա վե՞ր՞վ պիտի շինենք նախագահ...:

-Օրինակ՝ Քաջազնունին, Հայր Աբրահամը...:

-Էդ ա չեղավ, հայ հու... Ինձք ե՞րբ կռվան, ե՞րբ արուն թափեցին, որ նախագահ ընտրեն... Վալլա, կապուկ չենք ընի... Ինչու՞ Անդրանիկ, պարոն Արամ չէք ընտրի...:

-Հանգիստ եղիր, Լորթո, մենք չենք թողնի գեշ կառավարեն...:

-Այ, էտա լավ, էտ աղէկ ի: Իմ ջան դուրպան կանեն Հայաստանին...:

Կը սիրէր երգը... Ինքը մեղմամուշ ձայն մը ուներ եւ գիտէր երգ մը միայն.

Նպատակիս հասնեմ միայն, թող զիս հանեն կախաղան...:

...Սեռավ 1927-ին, Սալմաստի մեջ՝ բնական մահով:

Մեռնելու ատեն բաղձանք մը ունեցավ. թողվել պայքարի իր մեկ ընկերոջ քովիկը: Ընկերները կատարեցին անոր վերջին փափաքը:

Հաֆթուան գյուղի եկեղեցու գավիթին մեկ անկիւնը:

Անշուք գերեզմանը եղավ անոր միակ սեփականությունը այս ավեր աշխարհին մեջ:

Վահան Փափազյան